

天津縣新志卷十八

吏政一

縣始於衛衛人受治於衛官者垂三百年其閒不乏豈弟廉明之士足以勒碑石而繫懷思者惜乎不盡傳也其傳者如黃東之清亮殷尙質之忠幹武嵩齡之勤能又以籍隸本衛故已載入人物傳中則不得不求諸主管以上之官弘治閒以三衛勢均紛無統紀乃有整飭副使之設其職守在抑強扶弱綏輯軍民衛人賴之以是往往有良吏出焉推而至於巡鹽屯田撫按丞倅諸職凡有善政及人者志乘所書班班可考綜計有明一天津縣新志

卷十八

一

代凡得二十有九人彙錄篇首可知有遺愛者民歌詠之歷久不忘也

整飭副使十三人劉福字順夫四川巴縣進士弘治四年始以山東按察司副使兵備天津福被命莅此值修葺衛城卓有能名陳天祥字元吉南京吳江進士先是正德二年裁天津兵備改捕盜御史至六年霸州賊劉六劉七等擾畿輔再設道員以天祥充之天祥隨方備禦一鎮晏然其後以道員著稱者胡文璧字汝重湖廣耒陽進士正德閒中官張忠督直沽皇莊縱黨牟利文璧捕治之爲所構械繫詔獄貶延安照磨呂盛字文郁

南京建平進士正德年由知縣歷遷天津副使武宗南巡天津適當孔道又時方饑饉盛百計摭拄籌資振濟俾流亡有所就食給醫藥以療疾改雲南參政繼其任者錢如京字公溥南京桐城進士蹕路供張一不擾民時論躉之葛木字仁夫浙江上虞進士嘉靖閒運河決朱家墳壞民田廬險急難塞木載釜於舟實土沈之由是鞏固無水患王璣字在叔浙江西安進士嘉靖二十年任副使天津沿運河皆屯所曩無司庾之人時有奸人駕舟假名販鹽乘閒攘劫璣籍其船戶使船尾各繪一禽以爲識有行劫者指船禽赴愬盜不得脫河道肅

天津縣新志

卷十八

二

清毛愷字達和浙江江山進士歷官有聲及莅津也津地五方雜處競魚鹽之利萬竈沿河而居日以戈矛爲事又皆中官親屬有犯法者輒齎金脫之愷大張公道不少假貸三年俗大變修隄堰稽屯田汰冗弁裁革雜差浮費嚴捕盜賊約已恤人士民愛戴賴庭檜字爾舟福建晉江進士萬曆七年兵備天津增修學校振作人才易火甲爲房號併夫廠於驛遞民大稱便查志隆字鳴治浙江海甯進士萬曆中潞藩就封取道津沽志隆措置協宜軍民不擾創建小學以興民行民懷思之彭國光字用卿江西德化進士萬曆閒任副使峻潔明敏

勇於任事裁驛遞修整海防有裨軍國梁雲龍字會可
廣東瓊山進士兵備井陘以防倭調天津歲比不登兵
食俱困雲龍焦勞籌禦遠近安之舉鄉飲祀名賢課文
訓武救荒恤貧善政裕如也邱民仰字長白陝西渭南
舉人由河閒知府遷天津副使才能理劇陞永平參政
清軍同知二人盧觀象江西選貢生天啟閒官同知創
學田水田卓有政績張星南京宣城拔貢生崇禎七年
任同知曩例衛軍家有餘丁雖幼穉亦按九則派役或
身死名存按籍徵發以是軍不能支相率逃避星下車
惻然爲援保定衛例請令一丁輪徭仍以徭役攤歸軍

天津縣新志

卷十八

三

畝積困頓蘇

巡鹽御史三人鹽運使二人鹽運司同知一人于謙字
廷益浙江錢塘進士宣德四年巡視長蘆鹽政不避權
貴捕馬船之夾帶私鹽者悉置之法涂禎江西新淦進
士正德初巡鹽長蘆閩人劉瑾縱私人中鹽又命其黨
畢真託取海物侵奪商利禎皆據法裁之觸瑾怒矯旨
杖死蘇士潤福建晉江進士隆慶閒按長蘆鹺政行小
票法通商利民遂著爲令童瑞字世奇四川犍爲進士
任長蘆運使興修鹽利繩治豪猾改廣西參政東漢字
希節陝西華州舉人任運使一年通商釐弊人爲勒石

頌功德焉李紀字朝振南京江都進士

通志作潞州舉人

弘治

閒任長蘆運司同知操守峻潔嘗詣京師諸商張具於路遮馬留食紀策馬趨過叱曰吾食汝耶御史嘉之

戶部分司一人張鍵字君重山西石州進士拜戶部主事正德閒督儲天津值流寇猝至兵備陳太祥提兵禦之境外鍵居守乃誓眾登陴晝夜不息閭閻安堵如常巡撫四人汪應蛟字潛夫南京婺源進士萬厯閒巡撫天津見葛沽白塘諸田盡爲汙萊詢之士人咸言斥鹵不可耕應蛟乃募民墾田五千畝爲水田者十之四畝收至四五石田利大興適移撫保定乃上疏曰天津屯

天津縣新志

卷十八

四

兵四千費饗六萬俱斂諸民閒留兵則民告病恤民則軍不給計惟屯田可以足食今荒土連封蒿萊彌望若開渠置堰規以爲田可七千頃頃得穀三百石近鎮年例可以兼資非獨天津之饗足取給也因條上墾田丁夫及稅額多寡以請得旨允行畢自嚴字景會山東淄川進士天啟元年再設天津巡撫自嚴以僉都御史充任募水陸兵二萬人市馬千匹戰艦甲仗稱是請於部者不過十萬有奇事贍而用約督師孫承宗閱邊至津歎曰使九邊盡若是何憂戎馬哉代自嚴爲巡撫者李邦華字孟闇江西吉水進士時軍府初建規模略具邦

華盡力振飭遂使天津一軍爲諸鎮冠李繼貞字徵尹南京太倉進士崇禎十二年巡撫天津督薊遼軍饟乃大興屯田列上經地招佃用水任人薄賦五議躬督耕治白塘葛沽數十里閒田大熟城中無井率取水於外繼貞穿水門引河流入軍民稱便因事罷歸以俸入並所節省七千金輸諸官庫士民遮留不得爲祠以祀屯田御史一人左光斗字遺直南京桐城進士官御史出理屯田以盧觀象爲天津屯田同知開水田六百畝秋穫三千石及爲學政設天津屯學俾入籍屯童俱赴天津開墾闢田多至四千畝

天津縣新志

卷十八

五

劉東星字子明山西沁水進士孫瑋字純玉陝西渭南進士萬厯閒先後爲保定巡撫時朝鮮用兵置軍天津累歲不登東星請漕米十萬平糶民乃濟瑋以前巡撫汪應蛟治水田有效踵行之田益闢用以充饟遂免加派旱蝗大水多方振救疏陳鑛使之害論列天津稅使馬堂六大罪進兵部侍郎之二人者非天津職官而衛人實受其賜故書之兵備牛天麟史鑑邵相舊志俱列名宦但其政績似是守河閒時事與衛無涉故刪去

吏政二

清初沿明舊制以指揮掌印治衛事順治四年始有部

選掌印守備未幾三衛併一卽以守備爲之主而副使統治軍民之制如故迨雍正初設州改縣則百里之寄始屬於令矣天津民情慷慨尙義氣薦紳以入官署預公事爲羞曩稱易治宰是邑者亦大率勤樸愛民能舉其職互市以後中外屢處勢不得不求能吏以理其繁於是民事一委諸讞吏幕僚而日竭精敝神於奔走供應之地賢者僅以免過不肖者遂至踰越官常茲篇所收但載循良而不及貪劣者非有所袒也蓋彰善卽以瘴惡固與勸懲之旨無違爾

守備一人張傑陝西長安人由行伍起家康熙五十一年

天津縣新志

卷十八

六

年守備天津多善政去任之日民爲罷市

知縣二十一人張志奇字鴻儒山東利津進士乾隆元年任知縣一載去五年復任值境有水災志奇察勘被淹者八十餘村振以錢米絮衣凡六千餘戶遣流民歸籍者四千餘人誠樸正直百姓感之陞牧涿州於其去也爲之罷市朱奎揚字南湖浙江山陰監生乾隆二年任知縣長於讞獄有痾癯者盜人釜自訴殘廢被誣奎揚佯憫其冤而以釜予之其人徑負釜去僞形悉露遂論其罪有啞者婦與人私謂其夫訛賴夫不能自陳奎揚投果於婦之幼子令獻其父子以果給啞者遂以婦

歸之而嚴懲婦所與私之人去任時百姓送者塞路因
詔之曰屈死莫告狀餓死莫作賊縣人奉爲箴銘至今
猶傳誦云熊恩紱廣西永康進士乾隆三十一年知天
津縣偶見尸流河中惻然憫之乃設局鹽關海神廟遇
有浮尸撈起給以棺木予以瘞費詳記年貌衣履以待
認領牒請鹽運使紀虛中分庫儲羨餘濟用縣人德之
彭良騫字晉生江西南昌進士乾隆間令鹽山有惠政
調知天津濱海產鹽之區私販充斥良騫梟其渠餘弗
問上官以爲言曰民窮則爲盜絕其生是迫之爲盜也
上官然之嘗修隄埝以禦潮水巨浸之區悉成樂土積

天津縣新志

卷十八

七

勞卒於官李符清字海門廣東合浦舉人乾隆末令天
津能制强悍優禮文士縣人金銓居貧勵品內行尤篤
符清折節納交過從甚密纘立本喪母作慇思錄以志
哀鄉里稱孝符清爲文表章之沈長春字芝亭浙江歸
安舉人嘉慶五年由武邑知縣調天津明年六月霖雨
浹旬永定河盛漲天津受羣流灌注城不沒者三版長
春閉關堵禦晝夜巡視城賴以保城外巨浸民多漂溺
長春令曰凡救一人者予錢千自朝至暮援救不下千
人支棚隙地人給以食閱數月不輟會設粥廠復捐資
施振至麥熟乃已大吏入告陞同知後官天津道吳之

勲字金厓山東海豐舉人嘉慶六年以同知攝縣事值南運河盛漲城西芥園隄堰垂潰之勲立風雨中督工修築水及趾不爲動隄固城賴以全陸費元鑽浙江桐鄉監生嘉慶十年宰天津是年大疫傳染數百里猝不及防人心惶恐元鑽倡捐設局城鄉延醫施藥躬自巡歷得救者數萬人復以其時勸民耕稼田有未闢者招民墾殖予以牛種得膏腴八百餘頃禁錢糧私派規費增膏獎以恤士子聽訟精詳必得其情豪猾斂跡縣人追念惠政入祀名宦祠王大猷湖南石門舉人道光十七年由獻縣令調天津公正廉明案無留牘每斷一獄

天津縣新志

卷十八

八

兩造折服有青天之號獻縣民爭訟未決者來天津求判斷力卻之始怏怏返郭紹曾字魯堂山東蓬萊進士以理學稱道光二十三年宰天津值輔仁書院課士書聯語訓之曰大學修齊先格致中庸明行在知能又曰論語開口言學當思學是何事孟子入手黜利須知利之害人莅任一年去毛永柏字素存奉天甯海供事道光二十四年任知縣有惠政縣俗親死不置葬地往往寄匱寺觀或曠野中摧殘暴露纍纍皆是永柏久知其弊心甚惻然及莅任爲捐義地俾無主之匱移瘞其中詳記姓名以待尋省其在廟宇者則亟告其家剋期遷

葬於是多年枯骨悉歸窀穸逾年陞任去猶寄資以助
延生社費人益德之謝子澄字雲舫四川新都舉人咸
豐二年補天津縣莅政一載循聲大著三年粵匪竄自
滄州時城中練勇少援師未至子澄出囚繫劉積德等
四十二人諭以忠義皆慷慨效死號召得眾數千縣人
張錦文輸家財助饟治攻守具賊既近率眾迎擊遇諸
城西稍直口力勦之殲其渠賊氣沮縣有弋鳧者曰鴈
戶能列小舟置佛郎機其中人匿舟旁聞號眾銃齊發
曰槍籜是年運河決芥園西南皆巨浸子澄豫募鴈戶
數十人使各檣舟以待及賊至呼渡佯應之將至前昏

天津縣新志

卷十八

九

暮中槍籜突發賊立仆驚以爲水雷遁竄靜海督師勝
保後至素忌刻以子澄有功檄領鄉勇出境隨官軍勦
賊獨流屢趣戰而又不之兵十一月以救援副都統
佟鑑身被數創赴水死輿尸入城百姓沿街焚香跪哭
皆失聲事聞贈布政使銜賜卹諡忠愍祀昭忠祠縣人
並建專祠祀之其在雍正閒爲知縣者有徐而發湖廣
蒲圻監生值天津由州改縣而發莅任興利除弊民大
悅服乾隆閒有申允恭河南延津進士廉明慈惠輿情
愛戴嘉慶閒有陳鳳翔江西崇仁監生重士愛民不畏
強禦道光閒有周栻字未菴浙江諸暨進士清正廉明

折獄如神土棍斂跡民獻額曰兩月而治此數人者舊志俱入名宦而政績不詳同治以來則有蕭世本字廉甫四川富陽進士庚午教案民懷疑畏姦豪欺侮世本廉明正直日坐堂皇判事士民憚其風厲莫敢干以私兩宰斯邑治行以初任爲優光緒閒王炳燮字樸臣江蘇元和進士講理學重風教朔望宣講聖諭道光末嘗因海防行保甲法未久遂廢至炳燮復仿行之每堡設鄉甲局一更設總局以領之用以弭盜息爭甚有效嚴禁鍋匪誅二人以儆其餘澆風頓息天津習尙奢靡豪富動違禮法炳燮揭示婚喪儀節於通衢俾知飲食服

御豐嗇隆殺俱有定制有不率教者懲之救荒濬河必躬必親建善堂採訪節孝皆身爲之倡以勞卒埶祀會國藩祠朱乃恭字允卿奉天錦縣進士恂恂儒吏雖處繁要以廉靜出之故事集不擾去後見思呂增祥字秋樵安徽滁州舉人攝縣篆凡鞠獄至有可疑必窮研旁證務得其情乃已客商詹思聖等營西開地掘墓露骨起女閭數百爲風俗之害人切齒思聖等方假名租界傭外國巡捕庇盜抗官毀增祥輿欲繩以法大吏又隱爲袒之迨縣人華承彥控諸京師得旨嚴察增祥遂封禁其地害乃除增祥熟諳洋務而御事詳慎不假威

權至有挾外勢以凌人者必據理力爭不少屈也唐則瑀字佩員廣西臨桂舉人繼章燾任以縣地甫經喪亂民氣彫瘵深憫剝削之苦務與民休息值朝廷下詔興學縣人嚴修時方家居乃相與籌建各學堂三年之間絃歌徹境則瑀提倡之力居多

典史一人譚正瓏四川射洪人乾隆時民間有賭博者以錢擲木板上分字幕辨局勢以爲勝負負者纍纍貽害甚大正瓏深惡嚴禁有犯輒杖之其風乃息

吏政三

親民莫如令其次爲郡守爲觀察位愈高去民愈遠至

天津縣新志

卷十八

十

樞運之官與民事益不相涉矣然而賢哲莅止膏澤下施者亦時時有之舊志志名宦依年爲序職分之親疏官階之大小錯雜以出則例猶未純也茲旣別置知縣爲一篇自知府以上悉錄於此夫善善從長凡前書所已具莫敢廢焉惟政績不專屬茲邑者削而弗書殆猶是以縣爲主之旨云爾

知府十五人同知六人教授二人訓導一人李梅賓廣西臨桂進士雍正九年新置郡守梅賓下車查糧冊立規條與民更始有訟者理喻情格無不悅服性慈祥鞭扑不施而御書吏獨嚴朔望集諸生明倫堂講聖諭畢

討論經史建考棚修文武廟設城東南隅石牖刊志乘製侑生舞衣皆捐資爲之冬月製絮衣散給貧民署中一子一僕餽遺一無所受人呼李佛擢山東運使劉君成字生餘貴州貴筑監生乾隆五年授知府將至任微服入城溷跡市廛閱數日廉知匪棍姓名牌示於眾首匪曹某畏威悔過遽改行餘亦斂跡又禁釀酒以重民穀胡文柏字友仁山東海陽貢生乾隆八年守天津每寒冬必令質商減息以惠貧民凡息三分者減其二二分者減四之一歲以爲例聽訟明決如神嘗書額以自儆去任之日民爲罷市熊繹祖字定思湖北京山拔貢

天津縣新志

卷十八

十三

乾隆十五年知天津府見城西郊野中白骨暴露捐廉倡立天澤會置義地建骨塋復置靜海陳官屯地十九頃二十七畝以其租爲歲費垂永久焉靈毓滿洲鑲黃旗官學生乾隆二十三年知府事每聽訟使原告者呼被告者至質訊之曲直立判事無巨細不假手吏役商賈貨物有被其侵漁者必代昂其值追償之有園夫訟某役以賤價封其園靈毓親率園夫往索倍其價而立去其封越年內召士民兵弁下至乞兒爭執壺漿泣送城市擁塞肩輿至不能行凡二日始出境其後再至天津百姓迎於丁字沽老幼塞路一如去任時金文淳字

質夫浙江錢塘進士乾隆二十八年任知府崇文重士
罷官後主講問津書院訓生童如子弟李紹元浙江仁
和人乾隆五十年任知府卻供張杜請託西門汎卒王
三夜殺人上官請毋深問弗聽訊三日夜卒得其情置
諸法有流民過境取天澤會義田存租恤之全活甚眾
興安滿洲鑲白旗監生繼李紹元任清廉正直不受例
規嚴冬施恤貧勾黃立隆字定之湖南甯鄉拔貢大名
知府調天津值歲旱辦賑不冒不遺活民無算恆春字
宜亭滿洲正白旗進士道光十八年任知府濬城濠葺
鐘樓修學棚平衢路捐資立惜字社輸五百緡作瘞骨

天津縣新志

卷十八

三

費郡人鐫碑頌廉能焉蔡子璧山西平定進士道光二
十年知天津府有土豪侵民田陵轍鄉曲子璧廉得其
實痛懲而驅諸遠方士民稱快居官廉潔人不敢干以
私錢斫和字香士雲南昆明舉人咸豐三年知天津府
粵匪犯境躬冒矢石固守濠牆卒圉祀鹽政文謙祠石
贊清字襄臣貴州貴筑進士咸豐六年知天津府清正
廉明聽斷如神十年海口不守敵入居官舍贊清毅然
不屈敵令其去曰取吾頭以往官舍不可讓也一日敵
以五百人持兵入署挾贊清坐肩輿導入其館曰非敢
相難聞有兵欲焚吾船故假君爲質耳贊清不食三日

民情洶洶敵恐命之去贊清不可曰吾如何來當如何歸也敵命五百人前導以肩輿送歸縣人數萬歡呼迎於途敵稱曰好官自是秋毫無所犯去任時紳民泣送數十里官至侍郎祀名宦祠吳汝綸字摯甫安徽桐城進士光緒五年攝府篆下車觀風獎勵實學鄒振岳字岱東山東淄川進士光緒十五年任知府直樸愛民禁錢商巧偽禦水振荒以勞卒高必大湖廣襄陽貢生康熙九年任清軍同知政清刑簡愛士惠民捐俸修學循聲遠著顧高嘉字南樓浙江嘉興進士康熙十四年任河防同知公正和平力卻請託建奎宿樓開濠設牖以

天津縣新志

卷十八

古

通水利十八年旱蝗捐千金立粥廠活民無算去任士民思之爲立碑焉杜于藩字碩人江南江都監生康熙閒任青州分司兩權同知吏畏民懷龐上泰字通甫廣東南海人康熙閒任河防同知雅意禮賢雖冷署有座客常滿之風英廉字夢堂漢軍鑲黃旗舉人乾隆閒任河防同知顧汝壽字彥和江蘇上元監生道光閒任河防同知皆雅重文學獎掖士子爲藝林稱譽楊榮隰字竹友直隸定州進士咸豐末授天津府教授優於學藝士子多從之游大率成業以去一時稱良師焉縉興字穀春漢軍正藍旗貢生同治末補教授晚近教席不尊

相率苛索印費較計錙銖縉興長厚有古風不染冷官齷齪之習王增字儉菴順天昌平貢生乾隆閒授天津府訓導到官倡修文廟修整樂器招秀民習樂舞定樂舞籍以公儲銀五百兩收其息爲歲費二十七年大水施粥振饑二十八年旱搜捕蝗蝻皆與其役三十一年以城中地溝日久淤塞請於大吏鳩工疏濬使汙潦悉注城南大窪引潮流由水門入滌蕩之積勞病卒

兵備道十八人徐永順

一作永禎

奉天人順治六年官天津

道時議勦洗靜海諸縣永順力保天津無賊民賴以全康熙閒毛壽登湖廣公安拔貢生愛士惠民有善政薛

天津縣新志

卷十八

五

柱斗陝西延長拔貢生勤政惠民天津爲兵民錯處奸宄雜沓之所柱斗綏靖得宜境內帖服石天樞陝西富平舉人獎掖後進躬自訓課署中日用所需刊榜以示屬吏無敢濫取距城三里有隄百丈時虞潰決天樞倡築完固水患以平創育黎堂收養貧民二十八年車駕巡幸天津因事被逮百姓隨蹕焚香祈赦上以爲得民釋之士民募錢數十萬以贖旣得旨乃以建生祠城西人呼爲石佛云朱士傑字亶莽漢軍鑲白旗蔭生繼石天樞任恐育黎堂日久廢墜以公羨請於大吏並倡捐得二千金置田立租規約井井趙弘燮甘肅甯夏監

生建義學減徭役杜行帖修隄防河東明屬錦衣衛後由饒司改屬天津道康熙十九年改隸武清民弗便弘燮請於上官仍隸天津弗許後督直乃一再上疏卒得請西沽曩無津梁行者病涉捐俸製巨艦爲浮橋行旅稱便卒祀名宦祠士民復立專祠祀之李發甲字瀛仙雲南澂江舉人嚴禁婦女入廟老婦罪其子少婦罪其夫室女罪其父頽俗頓革乾隆閒陳弘謀字汝咨廣西臨桂進士修築南運河遙隄月隄縷隄行放淤之法建議培修海河壘道又謂南運河自獨流楊柳青至天津西岸不宜築隄重修北門道路飭議育黎堂規條建普

天津縣新志

卷十八

去

濟育嬰兩堂以恤老幼官至大學士陶正中字田見江南無錫進士以天津爲漳滹下游建議疏子牙河濬淀泊擢臬司留襄賑濟行以工代賑之法人尤德之劉峩山東單縣副貢生莅任後設放告牌使隸呼於路招人鳴冤喬人傑山西徐溝舉人歲大水捐資立粥廠以餉饑者嘉慶閒李鑾宣字石農山西靜樂進士敬禮文士折節下交道光末則有張起鵬字子班甘肅古浪監生莅政清簡吏畏民懷有土豪恃財而橫人畏其勢起鵬廉得不法事捕鞠得實置之法咸豐三年籌禦粵匪有功同治閒丁壽昌字樂山安徽合肥人以軍功起家莅

任後比歲水災救溺哺饑不使一夫失所每當眾流齊漲危堰垂崩晝夜督工寢食俱廢十二年堵塞芥園決口植立風日中親督畚耜隄成鞏固至今無再潰之虞聽訟神明冤抑者伸強暴者戢在任五載利興害除遠近感頌以憂去士民攀留如失所依卒立祠祀之光緒閒劉秉琳字崑圃湖北黃安進士歲旱捐俸助賑縣人議建備濟社廣仁堂皆身爲之倡重文愛士扶正黜邪卒埒祀總督曾國藩祠胡燏棻字芸楣安徽泗州進士奉天歲供米豆曩責天津海船承運日久累重船戶因以破家者纍纍燔棹茶憫之爲請於上官罷其役喜獎勵

天津縣新志

卷十八

七

後進每書院課士必親臨之卒埒祀總督李鴻章祠舊志又載董承勳浙江烏程副貢生乾隆閒任天津道時鹽商議立天津鹽店承勳以產鹽之區不宜置店後任運司仍不允迨鹽商得請於大吏承勳卒不奉行宋宗元江蘇元和舉人乾隆閒兩爲天津道以運河決芥園建議自芥園挑濬減水河由南達海可洩諸河之漲事未果行迨嘉慶六年水復圍城深惜其議不用按承勳跡近於抗而心實愛民其善未可沒也宗元之議爲廟謨所不許芥園御碑嘗紀其事然利害所關來者可省並埒書之

巡鹽御史七人鹽運使十人分司運同一人鹽運司經
歷二人批驗所大使一人余縉浙江諸暨進士康熙九
年巡視長蘆鹽課有善政商民戴之江蘩字采伯湖廣
漢陽拔貢生康熙二十八年任巡鹽御史明年增天津
鹽引四千蘩奏依臺臣傅廷俊條議留七百道餘悉裁
革莽鵠立字卓然滿洲鑲黃旗人雍正元年巡視長蘆
鹽政政主恤商三年疏請升天津州爲直隸州割武清
靜海諸縣地隸之復請修城垣培築瞿黃口老君堂教
軍場隄岸倡立救火會卒祀名宦祠三保滿洲正黃旗
人雍正十二年任鹽政籍沿海貧民年六十以上十五

天津縣新志

卷十八

六

以下及殘疾孤寡者官給鹽牌日許販鹽四十斤貧民
賴以餬口者甚眾徵瑞字時若正白旗人乾隆嘉慶閒
三任鹽政裁冗費不受餽遺不取羨餘賑流民施藥餌
散絮衣修隄堰增書院膏火去任之日士民送者三十
里不絕李如枚字怡菴漢軍旗人嘉慶十一年任鹽政
培養人才優遇士子捐俸增書院膏獎文謙成豐二年
任鹽政三年粵匪撲境督兵擊退城賴以全百姓建祠
祀之靳襄漢軍鑲黃旗人康熙閒任長蘆鹽運使建骨
塏覓苦行僧人拾殘骼投塏中滿則瘞之置田充費以
垂久遠倪象愷四川威遠舉人乾隆五年任運使立玉

成文社集諸生肄業其中丹黃甲乙親自訓課盧見曾字雅雨山東德州進士乾隆十六年任運使創問津書院月課諸生爲百餘年人才從出之地值時疫流行籌費施棺義舉賴以不墜陳樹著字學田湖廣湘潭蔭生乾隆二十七年任運使誠樸廉潔不受鹽商餽遺孫泳字介梅江蘇陽湖監生乾隆閒以知府權運使卻鹽商供張重修三取書院增生童膏獎一如問津書院士子感之嵇承志江蘇無錫舉人乾隆末官運使時馬家口海河浸溢偕鹽政徵瑞晝夜培修河隄又北運河盛漲偕侍郎景安修築北倉土埝 上嘉之葉紹本字筠潭

天津縣新志

卷十八

十九

浙江歸安進士道光初任運使重文愛士整飭所屬兩書院文化蔚然彭玉雯字雲墀江西甯都舉人道光閒由天津道擢鹽運使多善政商民愛戴楊霈字慰農漢軍鑲黃旗進士咸豐初任運使值粵匪北犯捐俸練勇製火器曰擡槍名其勇曰蘆團隨鹽政文謙勦賊城西大敗之如山字冠九滿洲鑲藍旗進士光緒二年官長蘆運使捐置文廟祭器籌增書院膏火每課士必躬自策勵開學海堂延名師課以經古設官書局販南省書籍廉其直以惠寒士由是治樸學者多文風一變孟淦山西太谷貢生乾隆閒官天津分司運同先是淦父衍

周爲青州運同嘗設鹽關浮橋又因運鹽過關別設大船渡人歲久弊生及淦莅任痛懲橋夫悉復舊制其後有平聖垣字翊山浙江山陰舉人嘉慶六年任小直沽批驗大使亦以鹽關橋夫舍大船而以小舟渡人時有覆溺且於橋隙故陷行人車馬廉得舞弊之人嚴懲之張可立漢軍鑲黃旗進士康熙初官長蘆運司經歷清廉律已政聲大著祀名宦祠錢蔭南江蘇太倉監生乾隆閒任鹽運經歷樂善好義請於上官購地城西爲義冢

巡察御史一人凌燁字約銘江南定遠舉人以御史巡察直隸時天津漏報水災親勘得賑

天津縣新志

卷十八

三

布政使一人陸費瓌浙江桐鄉附監生道光閒任直隸藩司因粵督林則徐奏請開墾直隸水田以抵南漕瓌親勘天津新城葛沽鹹水沽附近海河可耕之地令民認墾納糧永爲民業百姓蒙利瓌父元鏞嘗知天津縣有惠政至是遂有大小青天之頌是年天津大水籌賑災民捐俸爲倡施棉衣買穀平糶次年借民籽種並勸典商免收農具利息活民甚眾卒祀名宦祠

巡撫一人雷興漢軍正黃旗舉人順治元年授天津巡

撫

案雷興巡撫天津舊志作順治三年此據通志作元年說詳職官志

時土賊李聯芳張

成軒嘯眾滄州南皮閒與偕總兵婁光先督師追勦至海口賊驚潰投水死大半興疏言大沽海口爲神京門戶請置戰船以備海防下所司議行

總督一人李鴻章字少荃安徽合肥進士同治九年由兩江移督直隸駐天津凡百設施具體大而需被遠其在縣境者築大沽礮臺擴大直沽機器局重建新城修復濠牆設武備水師兩學堂改練軍營制濬金鐘河建隄頭滾水壩開通衛津河墾小站稻田創廣仁堂建醫院開學海堂經古課設官書局遇春秋試優獎士子每歲冬輒出支應局儲款以濟市商庚子議款甫成以天

天津縣新志

卷十八

三

津兵燹特甚節帑得數百萬備興復商埠之用鴻章督直三十年新政之興率皆造端茲地卒後士民建專祠祀之

吏政四

縣地爲畿南屏蔽國家設專闕之官以鎮之其閒有聲績可傳者率能教養軍民安輯良善咸豐以後海墻多故強鄰構兵於是乃有死綏之事夫折衝禦侮介冑者之責卽戰而不利以死報國其志節固昭然可敬也幸際無事則屯田裕食禁蔬鋤姦惠澤所敷於文吏何多讓焉然則茲篇所述足以勵後矣

提督四人史榮椿字蔭堂順天宛平人官直隸提督咸豐九年各國兵艦駛近海口時榮椿守南岸礮臺督戰方利擊沈敵船忽飛彈洞腹亡樂善蒙古正白旗人咸豐九年授直隸提督隨親王僧格林沁防守大沽是年擊退敵艦有功翌年敵兵再至固守北岸敵攻甚急僧格林沁知不可守檄令暫退樂善謂使者曰速歸告王礮臺存樂善生俄臺陷自刎投水死聶士成字功亭安徽合肥人官直隸提督統武衛軍光緒二十六年拳匪起士成力主勦嘗擊散其眾既中外失和士成督戰天津城南中礮亡馬玉崑字景山安徽渦陽人光緒二十

天津縣新志

卷十八

三

六年繼聶士成爲提督接統武衛左軍督戰津沽將士用命敵兵益集城陷移師城北大捷於北倉相持月餘值盛夏積潦孤軍酣鬪泥淖中晝夜無少息敵服其善戰謂中國兵無出玉崑右者

總兵八人趙良棟字擊字甘肅甯夏人積功官大同總兵康熙十一年調天津鎮天津多盜旗丁鹽販通行囊橐白晝大都攫人而奪之金吏莫敢訶問良棟申法制立程約張設耳目窮治根柢務在鋤強暴以惠孤弱於是奸宄屏迹部告無事卒祀名宦祠子弘燮官天津道事績見前篇藍理字義甫福建漳浦人從征臺灣有功

洵擢宣化總兵挂鎮朔將軍印康熙四十二年移鎮天津畿輔產米無多天津一望平原沃衍可濬河引水灌田理乃躬率兵士自城南至賀家口墾稻田二百餘頃召閩浙農人督課其閒歲收豐稔上悉以賜理錫名藍田黃廷桂漢軍鑲紅旗人乾隆三年授天津總兵縣地狹人稠民食仰給於奉天自元年禁民船販運盛京米石遂苦乏食廷桂與總督李衛合疏極言民運之便請開禁販米得旨允行丑達滿洲正白旗人乾隆二十六年授天津總兵是年水災有司匿不以聞丑達適入覲上問訓練事以城外皆水無訓練地對遣官察驗

天津縣新志

卷十八

三

如所言於是有司皆罷黜免徵頒賑民得不饑永昌滿洲正藍旗人官馬蘭鎮總兵調署天津鎮乾隆三十九年山東王倫作亂永昌勦賊故城檄副將富僧額率兵駐天津防守上嘉之蘇甯阿字壽泉滿洲正白旗人乾隆末官天津總兵仁愛士卒性廉潔每典衣以繼饗飧薛大烈甘肅甯夏人嘉慶九年鎮天津俗多械鬪大烈嚴懲之嘗夜禽巨匪蘇花臉等置於法士民感頌周盛傳字新畚安徽合肥人光緒元年授天津鎮總兵駐軍城東小站因自小站開通新河九十里以達大沽海口分闢小河十數支上接南運減河其減河左右多開

溝渠俾農民易於引灌又於小站下開橫河六建橋牖三十餘處分運河盛漲下匯海潮借淡刷鹹得稻田六萬餘頃瀕河兩岸田畝悉變斥鹵之舊民利賴之副將一人龍汝元字春舫順天大興人官大沽協副將咸豐九年海口之役守北岸礮臺與提督史榮椿同時戰沒建雙忠祠祀之

遊擊五人王應春官天津鎮標中軍遊擊順治初天津土寇莽寒黨薛承所者居灣頭應春往捕之獲其黨及馬行近唐官屯賊偵知率眾出劫槍矢傷應春馬馬逸入村被鉤落馬死趙成功官遊擊順治初土賊羅洪宇

天津縣新志

卷十八

三

謀攻天津先犯海防營成功禦之殺賊百餘身中三矢賊引去越日賊眾三千餘來攻成功裹創戰力竭殞於陣葉信字可亭江西武進士乾隆閒官大沽營遊擊教養軍民多善政李崑字寶林江西義甯武進士嘉慶十四年官天津鎮標中軍遊擊有閩人蘇花臉者爲盜天津黨羽甚盛嘗夜入人家掠金帛婦女無算官吏畏其凶不敢發崑廉得實密白總兵薛大烈遴幹弁掩捕崑爲前驅夜入賊船手刃十餘人頃之大烈兵至羣匪就禽獲其兵器博具重治其罪積患以除沙春元河南鄭州武進士咸豐六年官天津鎮標右營遊擊八年調防

大沽礮臺親擊敵船沈其一迨事亟或勸之退春元按劍叱之中礮死

守備一人宋春華陝西三原武進士光緒二十二年授天津鎮標右營守備二十六年各國聯軍攻城奉檄守南門能禦敵旋充先鋒官敵攻益急春華立城上抵死拒戰身被數創城陷以頭觸陣死

千總二人陳榮天津鎮標右營千總光緒二十六年禦敵南門敵兵蟻坳登城榮手刃數人力竭死之宗永德候補千總率鎮標兵監護火藥庫光緒二十六年敵兵數十人突至知不能守恐火藥資敵乃揮兵衛散去自

天津縣新志

卷十八

三

引火焚其庫與敵同死

或云同時有鄧璿者亦於火藥庫殉難

咸豐以來陣亡官員表

舊志紀歷次陣亡官員不注籍貫於咸豐三年錄知縣謝子澄等十九人就中佟鑑以古北口副都統戰死獨流守備張秉銳外委徐亨俱爲縣人其陣亡一在山東一在靜海以此測之所載不盡屬守土官死事亦不盡在縣地年遠無考姑爲表坵此其自有傳者此表不再及至光緒二十六年遇難諸人則皆名隸外籍而身殉茲土者矣

咸豐

三

年

咸豐八年

咸豐九年

同治二年

光緒二十六年

古北口副都統佟鑑	天津鎮總千總守備奇	天津哨官史景新山東
兵長瑞	天津鎮標遊擊蕭濱	李墉車布
大沽協標遊擊吳燦	葛沽營遊	千千總王左營
擊薛成龍	守備哈清魁	守備總石世敷
王世隆	千總劉世祿	千總王振岡
遇亨	千總沈俊魁	千總阿克
東阿	把總高廷標	把總王寶
慶	外委蕭剛	外委李覲堯
外委李枝桂		
	義	
	外委張	
		文炳
		龍
		鄧臨江蘇常熟人
		委員彭忠祥湖
		南長沙人
		劉本
		盛安徽貴池人